



Inatsisartunut ilaasortaq Hans Aronsen, Inuit Ataqatigiit
Inatsisartut
/MAANI

§ 37 naapertorlugu apeqquaqammumut 2013-067-imut qaleralittassiissutinut tunngasumut akissuteqaat

03-06-2013
Suliap nr. 2013-084102
Upp. nr. 1220219

Inatsisartut Suleriaasianni § 37, imm. 1 naapertorlugu sinerissap qanittuani qaleralittassiissutit pillugit pilersaarutit pillugit kiisalu piujuaannartitsinissaq pillugu apeqquaqarputit. Apeqquutit uannut akisassanngorlugit innersuutigineqarsimapput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqquut:

1. Qaleralinniarnermi aqutsiveqarfinni Qeqertarsuup Tunuani, Upernavimmi Uummannamilu pisassanik amerliliiinissamut Naalakkersuisut suliaqartitsippat?
2. Naalakkersuisut suliaqartitsippata tamanna Nunatta avataanut piujuaannartitsilluni aalisakkatigut niuernitta illersorneqarnissaanut sutigut tunngavilersuuteqartinneqarpa?
3. Matumani qaleralinniarneq kisimi eqqarsaatigineqarpat akuersissutaateqarluni aalisarnermi immap assingani ullumikkut aalisarfiusut ersarissumik annertussusilerneqarniarpat?
4. Kiisalu piujuaannartitsinermik Nunatta politikkeqarnera illersorneqassappat qanoq illersuineq pingaartinneqartingaa?
5. Aammalu amerliliiinissami suut tunngavilersuutaappat? Uani pivakka tunngavilersuutit eqqoriaannangaangitsut tunngavilersuutillu nalunaarsuisimanernik tutsuiginartunik tunngavillit.
6. Amerliliiinissarlu kissaatigineqarpat sinerissap avataani pisassiisutit ikilineqarlutik sinerissap qanittuani qaleralittassat amerlineqarnissaat Naalakkersuisunit siunertarineqarpa?
7. Amerliliiinermilu nunat aalisarnikkut niueqatigisatta niuerfiilluunniit piujuaannartitsinermik tunngaveqarnitsinnik naammassinninngitsut apeqquusiissappata sutigut illersorsinnaavarput?
8. Ilanngullugu Kangaatsiap eqqaani, Akunnaami Ikamiunilu qalerallit pisarineqarlutik tunineqartartut Qeqertarsuup Tunuani pisassiisutinut toqqaannartumik sunniuteqarpat?

Akissutit:

1 pillugu: Aqutsiveqarfinni Qeqertarsuup Tunuani, Upernavimmi Uummannamilu qaleralittassiissutit amerlineqarnissaanut tunngasumik apeqquutit Hans Enoksenimut (S) akissuteqaatiga 13. maj 2013-imeersoq innersuussutigaara. Tassani pineqarput § 37 naapertorlugu apeqquut nr. 2013-049-mut akissuteqaatit. Pisasseeqqittoqassappat Aalisarnermut Siunnersuisooqatigiit tusarniaaffigineqaqqaassapput. Maannakkut tusarniaanerit assigiinngitsut ingerlapput ilaatigut apeqquummut tassunga tunngasut. Tusarniaanerit naammassereertinnagit aalajangiisoqareertinnagulu apeqquut akisinnaanngilara.

2 aamma 5 pillugit: Apeqquummut 1-imut akissut innersuussutigineqarpoq. Pisassiisutit allannguuteqassagaangata tamanna aatsaat pisarpoq, Aalisarnermut Siunnersuisooqatigiit aalisarnermik inuussutissarsiuuteqartunit biologinillu peqataaffigineqartumit oqaloqateqareernikkut nalilersuisoqareernikkullu.

Naalackersuisunut pingaaruteqarpoq, pisassiissutit qaffanneqassappata tamanna piujuaannartitsinissamik tunngaveqassasoq.

3 aamma 8 pillugit: Sinerissap qanittuani qaleralinniarnissamik pisassiissutit nunap immikkoortuinut Qeqertarsuup Tunuanut, Upernavimmut Uummannamullu killeqartinneqarput. Sinerissap qanittuani qaleralinniarneq pillugu Namminersorlutik Oqartussat nalunaarutaanni nr. 2-mi, 2. februar 2012-imeersumi § 2-mi killiliussat atuarneqarsinnaapput. Nalunaarut taanna atorlugu Kangaatsiap, Akunnaap Ikamiullu eqqaanni qaleralinniarneq aaqqiiffigineqartarpoq, aqutsiveqarfillu Qeqertarsuup Tunua avannarpasissutisip 68 grader-miit avannamut atuuppoq.

4 pillugu: Piujuaannartitsinissamik tunngaveqarluni aalisarnej Naalackersuisunit pingaartinneqarpoq, taamaammallu soorunami ilalernartinneqarluni. Kinguaassatta aalisartunngorumaartut imminut akilersinnaasumik piujuaannartitsinissaasumillu aalisarnermik inuussutissarsinnaanerannik periarfissaqalersillugit Kalaallit Nunaanni aalisarnerup aalisagaqassutsillu aqunneqarnissaa pingaaruteqarluinnarpoq.

6 pillugu: Avataani sinerissallu qanittuani qalerallit immikkoortillugit aqunneqarput. Biologit qalerallit taakku pillugit immikkoortillugit siunnersuusiortarput. Taamaammatt aqutsinermi avataanit sinerissap qanittuanut pisassiissutit nuunneqarsinnaanngillat.

7 pillugu: Naalackersuisut oqaatigineqareersutut maannakkut akisinnaanngilaat qalerallitassiissutit amerlineqarnissaannik tunngavissaqarnersoq. Siunissami pisassiissutit qaffanneqassappata piujuaannartitsinissaq tunngavigalugu tamanna pissaaq. Tamatuma qulakkiissavaa kalaallit aalisarnermik inuussutissarsiortui nunanut allanut tunisassiaminnik tunisiniarnerminnik siunissami ajornartorsiuteqannginnissaat.

Inussiarnersumik inuulluaqqusillunga

Karl Lyberth
Naalackersuisoq